


Bhaibheri re vana Rinokupai

Joshua anatora utongi



Rakanyorwa na: Edward Hughes
Rakafanidzirwa na: Janie Forest
Alastair P.
Rakatorwa na: Ruth Klassen
Rakashandurwa na: Miriam Furusa
Rakabudiswa neve: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2022 Bible for Children, Inc.

Mitero: Une mvumo yekutora nyaya iyi kana
usinganotengesi chete.

1

Moses akanga afa. Joshua
aiziva kuti Mwari vanga
vamusarudza kuti atungamirire
vana veIsirairi. Joshua
asati agadzirira mauto
ake aifanira kutanga
agadzirira iye pachake.
Mwari akavimbisa
Joshua kukunda
nekubudirira
munyika
yechipikirwa
kana vanhu
vakateerera mirairo
yaMwari guva dzese.




2

Vana veIsirairi vakavimbisa kuteera Joshua nekuteerera shoko raMwari nguva dzese.

Neungwaru, mutungamiri mutsva akatumira vasori kuCanaan kuti vaende kunocherechedza kuzvidzivirira pahondo kwevanhu vemuguta guru reJericho. Hondo yekutanga yeIsirairi yaizorwirwa ikoko.



3



Panewo akaudza Mambo wemuJericho kuti muguta mainge mapinda vasori. Mambo akatumira masoja ake kunovatsvaga. Kuvatsvaga kwakatanga kumba kwaRahab uko kwaiva kuchigara vasori. Masoja akasvika akagugudza zvine hashu pamukova waRahab. Nekukasika Rahab akaviga vasori pasi peuswa.


4

Masoja paakange aenda Rahab akakasira kuburutsa vasori muguta achishandisa shinda tsvuku. Nemhaka yeyi akabatsira vasori ava, nekuti aiziva kuti Mwari aiva navo. Rahab aishuva kuti Mwari achengetewo upenyu hwake. Vasori ava vakavimbisa Rahab kuti upenyu hwake nehwehuri yake hwaisazoparadzwa.




5

Vasati vasvika kuJericho, vana veIsirairi vaifanira kuyambuka rwizi rwe Jordani kuti vapinde muCanaan nyika yechipikirwa. Asi paiva pasina zambuko rekuti vayambuke! Vanhu vaizoyambuka sei?



6

Mwari vakaudza Joshua kuti vaPirisita vaizotungamira masoja nevanhu vakatakura areka yaive nemitemo yegumi. VaPirisita makumbo avo paakangotsika pamahombekombe erwizi, Mwari vakaita chishamiso. Mwari vakaita nzira yakaoma nepakati pemvura.



7

Mushure mekunge vanhu vese vayambuka zvakanaka, vakaisa matombo gumi nemaviri pamahombekombe erwizi nemamwe zvakare parwizi rweCanaan. Matombo aya waiva mucherechedzo wekurangaridza vana vavo nezvesimba raMwari nerudo rwake.




8



Jericho yaiva nemidhuri yakasimba chose. Apo Joshua aigadzirira kuti aizopamba sei guta iri, Mwari vakatumira mukuru wehondo yavo kubva kudenga kuti arangaridze mutungamiri mutsva weIsrairi kuti Mwari anokundira vana vake hondo dzavo.


9




Mwari vakaudza Joshua kuti aizopamba sei Jericho. Yaiva nzira isina kujairika. Vanhu vaMwari vaizotenderera guta kamwe pazuva kwemazuva matanhatu, vozotenderera kanomwe musi wechinomwe. Vaizofanira kuridza mabhosvo nekudanidzira guta raizowhondomoka pasi!

10


Joshua nemauto ake vakaita sezvakataurwa naMwari. Zvichida vanhu vemuJericho vakatombovaseka. Asi pavakatenderera kechinomwe musi wechinomwe vaprisita vakaridza nyanga yehwai. Sekutaura



kwanga kwaita Mwari ... MASVINGO EJERICHO AKAWIRA PASI!




11




Imba yaRahab chete ndiyo yega isina kuparara paguta rese. Akange asiya shinda tsvuku ichiremba pafafitera rake Nekukasika, mauto aJoshua akabatsira Rahab nemhuri yake. Kuvachengetedza. Jericho yakabva yaparadzwa sekutaura kwaMwari.

12



Nekurevesa, Joshua akapira upfumi hwemu Jericho, goridhe, sirivha nezvakakosha kuti zvishandiswe mubasa raMwari. Joshua akaisa chituko pamunhu aizovaka guta iri rakaipa zvakare.

13



Nenguva isipi munhu wese munyika ye Canaan akanzwa kuti Joshua ainge akunda sei Jericho. Vakabva vakaziva kuti Mwari aiva nevanhu vake.

14

Joshua anatora utongi


Nyaya yeshoko raMwari, Bhaiberi

Inowanikwa muna

Joshua 1-6

"Mazwi enyu anotipa kuchena."
Mapisarema 119:130

15



13

60 16

Nyaya dze mu Bhaibheri dzinotiwudza zvekushamisa kwaMwari
Musiki wedu uyo anoda kuti umuzive.

Mwari anoziva kuti tese takaita zvakaipa, izvo zvaanoti zvitema.
Mubairo wechitema ndirwo rufu, asi Mwari anokuda kwazvo,
akatuma mwana wake, Jesu, kukufira pamuchinjikwa uye
akatambudziwa nemhaka yako. Jesu akafa akumuka, akadzokera
kumusha kudenga! Kana uchitenda muna Jesu uye ukakumbira
kuregererwa anokuregerera zvitema zvako, Anokuregerera!
Achauya kuzogara mumoyo mako. Achagara mauri. newe ugogara
maari mazuva namazuva.

Kana uchitenda kuti ichi ichokwadi, taura kuna Mwari uchiti
Mudiwa Jesu, ndinotenda kuti ndimi Mwari, uye makauya semunhu
panyika kuzofira zvitema zvangu, uye murikurarama. Huyai mumoyo
mangu mundiregere zvitema zvangu, kuti ndive hepenyu hutsva, uye
nerimwe zuva ndigogara nemi nekusingaperi. Ndibatsirei kuti
ndikuteerereyi, ndirarama semwana wenyu. Amen.

Verengayi Bhaibheri nekutaura ne Mwari mazuva ese. Johane 3:16

17